



Edizione diplomatica

	Image not found https://letteraturaeuropea.let.uniroma1.it/sites/default/files/Fran%C3%A7ais_856__btv1b8419246t_168%20-%20Copia%20-%20Copia%20-%20Copia.jpeg Bernat QUan la de uentedorn. dossaura uenta. de ues nostre pays. mes ueiai- re quieu senta. un ue(n)t de paradis. per amor de la genta. ues cui ieu sui aclis. en cui ai mes men tenta. e mon coratge assis. quar de totas partis. p(er) liei tant ma talenta. Sol lo be quem presenta. siei bel huelh el franc uis. que ia plus nom cossenta. cre dieu auer con)q(ui)s. no sai per queus en menta. quar de re no sui fis. mas grau mes quem repenta. que una uetz me dis. que prozom safortis. e mal- uatz sespauenta. De donas mes ueiaire. q(ue) gran falhimen fan. per so quar no so(n) guaire. amat li fin aman. ieu non dei ges retraire. mas so que las uoldran. mas greu mes cun(s) trichaire. damor aiab engan. o plus o atrestan. cum sel q(ue)s fins
---	---

	image not found https://letteraturaeuropea.let.uniroma1.it/sites/default/files/Fran%C3%A7ais_1356_btv1b8419246t_169%20-%20Copia%20-%20Copia.jpeg amaire. Dona que cuidatz faire. d(e) mi qui uos am tant. quaissim ue- zetz maltraire. e morir de tala(n). a francha de bon aire. fessetz mun belh semblan. tal don mos cors sesclaire. que mout trac gran afan. e noi dei auer dan. quar nomen puesc estraire. Si no fos gens uilana. e lau- zengier sauai. ieu agra mor cer- tana. mas aisso men retrai. de soltatz mes umana. q(ua)n luecs es ni seschai. per q(ui)eu sai q(ua) sotz mana. naurai enquera mai. q(ua)s- trucs soirn e iay. e mal astruc(s) sa fana. Selh sui que no soa- na. lo ben que dieus li fai. q(ue)n aquella se(t)mana. quant ieu par- ti de lai. me dis en razon plana. que mos chantars li plai. tot arma crestiana. uolgra gues ai tal iai. cum ieu agui et ai. quar sol daitan se uana. Si daisso mes certana. outra uetz la creirai. o si que non ia mai. no creirai crestiana.
--	---

- letto 717 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1536>